

**NO. SOALAN: 24**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : DATO' HAJI ZAINUDIN BIN ISMAIL  
[ JELEBU ]**

**TARIKH : 10 JUN 2015**

**RUJUKAN : 7936**

**SOALAN:**

**Dato' Haji Zainudin bin Ismail [ Jelebu ] minta MENTERI DALAM NEGERI menyatakan apakah OPS CANTAS di dalam usaha PDRM menangani jenayah kongsi gelap masih diteruskan dan minta PDRM menyatakan kesan dan kejayaan ops tersebut sehingga kini.**

**JAWAPAN:**

**Tuan Yang di-Pertua,**

**Kegiatan gangsterism atau gejala samseng dalam negara hangat diperkatakan oleh pelbagai pihak dan lapisan masyarakat, ianya juga menjadi topik hangat yang dibincangkan dalam forum, seminar dan juga dalam perbahasan di Parlimen. Kementerian memandang serius dan sentiasa komited dalam usaha untuk membanteras aktiviti jenayah dalam negara khususnya kes-kes yang melibatkan jenayah berat dilakukan oleh aktiviti kongsi gelap dan *Thug Gang*.**

**Kementerian Dalam Negeri (KDN) telah mengistiharkan 72 Pertubuhan tidak sah di bawah Akta Pertubuhan 1966. Peristiwa itu menyebut bahawa tiada sesiapa dibenarkan menggunakan semua tulisan, senarai anggota, panji-panji, logo, simbol atau tanda berhubung dengan sesuatu pertubuhan yang menyalahi undang-undang.**

**Sejak Ops Cantas dilancarkan pada 17 Ogos 2013, telah menunjukkan kesan yang positif di mana dapat menurunkan Indeks Jenayah terutamanya jenayah yang berbentuk kekerasan. Statistik jenayah indeks bagi tahun 2013 dan tahun 2014 seperti berikut:-**

Negeri	Tahun 2013	Tahun 2014
	Jenayah Indeks	Jenayah Indeks
JOHOR	17,105	15,082
KEDAH	8,636	8028
KELANTAN	5,737	5603
KUALA LUMPUR	22,319	18,293
MELAKA	4,186	3675
NEGERI SEMBILAN	5,993	5495
PAHANG	5,257	5085
PERAK	7,429	6860
PERLIS	831	788
PULAU PINANG	7,936	7491
SABAH	5,772	5210
SARAWAK	9,191	7556
SELANGOR	43,060	36,165
TERENGGANU	3,610	3213
JUMLAH	147,062	128,544

Selain daripada itu, tindakan terhadap kumpulan kongsi gelap disiasat juga di bawah Seksyen 3(1) Akta Pencegahan Jenayah 1959 (Pindaan dan Pemerluasan) yang diwartakan iaitu pada 2 April 2014. Statistik tangkapan dan pendakwaan di bawah Akta Pencegahan Jenayah (POCA) seperti berikut:-

BIL	BANGSA	JUMLAH
1.	Melayu	23
2.	Cina	15
3.	India	79
4.	Lain-lain Bangsa	1
<b>JUMLAH KESELURUHAN</b>		<b>118</b>

**Di samping itu, dalam Op Cantas yang dijalankan pihak polis turut merampas senjata api seperti berikut:-**

<b>TAHUN</b>	<b>JUMLAH KES</b>	<b>JUMLAH SENJATA DIRAMPAS</b>
<b>2013</b>	<b>228</b>	<b>292</b>
<b>2014</b>	<b>192</b>	<b>283</b>

**Pihak polis akan meneruskan operasi cantas ini dengan kaedah yang bersesuaian dengan Akta Pencegahan Jenayah 1959 bagi menjamin keselamatan negara sentiasa terpelihara dan sehingga rakyat akan merasa selamat dan memastikan '*fear of crime*' di kalangan masyarakat dapat dikurangkan.**